

23 IUNIE
RUGĂCIUNEA
SF.CUVIOS
LUCIAN DE LA ALEXANDROV
МОЛИТВА

О, блаженне отче Лукиане, светильниче веры, добродетелей истинный учителю, труждающихся и обремененных святой образ, в терпении столпе крепкий, во благочестии река неистощимая, страсти плотския удобь до конца мужески попра, бесовския вся козни доблественне победи, ангелом присный собеседниче, яко безплотен на земли пожив, и ныне дерзновенно предстоя престолу Небеснаго Царя, егоже обстоят безплотнии силы, победную песнь с ними ему возсылаеши со всеми святыми, в радости зря вышнюю и неизреченную красоту жизни вечныя.

Молим тя, подвижниче наш добрый, упаси и спаси люди твоя молитвами и молением твоим, теплым твоим предстательством пред Пречистым и Всемиловитым Спасом от всех соблазнов мира сего, от вражды и свар, в землех наших царящих, от раскола и ересей, гордостию от церкви отходящих, наставляя презирати похоть плоти, преходит бо.

Насади и умножи в нас веру Христову, да едини

будем душою, яко камень краеугольный, на немже Церковь свою Христос зиждит вечно, разрушая твердыни всякия ада.

Настави нас к покаянию и смирению души, да сподобимся многих милостей Божиих, Духа Господня, ходяще во обновлении ума и усердно творяще повеления Христа Бога нашего.

Жизнь Небесную восприимем прежде смерти zde, наипаче тамо, в отечестве Божественном и святем, безконечно прославляя в нем вкупе с тобою Жизнодавца Бога, в Троице покланяемаго, Отца и Сына и Святаго Духа.

АМИНЬ.